



KETUA AUDIT NEGARA

(OFFICE OF THE AUDITOR - GENERAL)

BLOK D2, ARAS 9,
PUSAT PENTADBIRAN KERAJAAN PERSEKUTUAN,
62502 PUTRAJAYA, MALAYSIA.

Telefon : 603 - 8886 3300
Fax : 603 - 8888 9701
EMail : ag@audit.gov.my

Ruj. Fail : AUDIT/IP/147/656/3 (39)

Tarikh : 20 November 2003

Ketua-ketua Setiausaha Kementerian
Ketua-ketua Eksekutif Badan Berkanun Persekutuan

Y. Bhg. Tan Sri/Datuk/Dato'/Tuan/Puan

Pekeliling Ketua Audit Negara Bil. 2/2003

- Mengemukakan Laporan Tahunan dan Penyata Kewangan Yang Telah Diaudit Kepada Jemaah Menteri

Dengan hormatnya saya merujuk kepada perkara tersebut di atas.

2. Seperti mana Y. Bhg. Tan Sri/Datuk/Dato'/Tuan/Puan sedia maklum, Akta Badan Berkanun Persekutuan (Akaun dan Laporan Tahunan) 1980, (Akta 240) menghendaki Badan Berkanun Persekutuan mengemukakan Penyata Kewangan bagi sesuatu tahun kewangan kepada Ketua Audit Negara untuk diaudit tidak lewat dari 30 Jun tahun berikutnya. Namun, untuk mempercepatkan penyediaan dan pembentangan Penyata Kewangan, Perbendaharaan Malaysia telah mengeluarkan Pekeliling Perbendaharaan Bil. 15 Tahun 1994 yang berkehendakkan Badan Berkanun Persekutuan mengemukakan Penyata Kewangan berkenaan selewat-lewatnya pada 30 April. Ketua Audit Negara pula dikehendaki memperakui Penyata Kewangan itu selewat-lewatnya pada 30 Ogos. Badan Berkanun Persekutuan pula dikehendaki mengemukakan Laporan Tahunan dan Penyata Kewangan yang telah diaudit kepada Jemaah Menteri tidak lewat dari 31 Oktober. Selaras dengan peruntukan undang-undang dan kehendak Pekeliling Perbendaharaan berkenaan, hampir kesemua Badan Berkanun Persekutuan telah mengemukakan Penyata Kewangan bagi tahun berakhir 31 Disember 2002 kepada Ketua Audit Negara untuk diaudit sebelum 30 April 2003. Sijil Ketua Audit Negara telah pun dikeluarkan mengikut tempoh yang ditetapkan oleh Pekeliling Perbendaharaan tersebut.

3. Sebagai makluman, Jabatan Audit Negara telah mengeluarkan semua sijil bagi Penyata Kewangan 2002 dan tahun-tahun sebelumnya. Namun demikian, Jabatan Audit Negara mendapati beberapa Laporan Tahunan dan Penyata Kewangan yang dikemukakan kepada Jemaah Menteri masih berdasarkan kepada Penyata Kewangan yang belum diaudit walaupun Penyata Kewangan bagi tahun 2002 telah diaudit dan Sijil Ketua Audit Negara telah dikeluarkan. Bagi mengelakkan perkara ini dari berlaku di masa hadapan, saya ingin memohon kerjasama Y. Bhg. Tan Sri/Datuk/Dato'/Tuan/Puan supaya memastikan Laporan Tahunan dan Penyata Kewangan yang dikemukakan kepada Jemaah Menteri adalah terkini dan diaudit.

Sekian, terima kasih.

“BERKHIDMAT UNTUK NEGARA”

“AUDIT BERKUALITI MENINGKATKAN AKAUNTABILITI”

Saya yang menurut perintah,


(DATUK DR. HADENAN BIN ABDUL JALIL)
Ketua Audit Negara Malaysia

s.k.

Y. Bhg. Tan Sri Ketua Setiausaha Negara